

Broj:
Sarajevo: 9.9.2019.

 **BOSNA I HERCEGOVINA**
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 09-09-2019			
Organizaciona jedinica	Klasifikaciona oznaka	Redni broj	Broj priloga
01	507	1609	19

1523

Poslanici u Predstavničkom domu
Parlamentarne skupštine Bosne i Hercegovine

PREDSTAVNIČKI DOM
PARLAMENTARNE SKUPŠTINE
BOSNE I HERCEGOVINE
n/r predsjedavajućeg

U skladu sa članom 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), podnosimo poslaničku

INICIJATIVU

„da se u okviru Zakona o javnim nabavkama uvrsti kriterij „zelene javne nabavke“ kao instrument zaštite okoliša, kojim se potiče zaštita okoliša i održivi razvoj. Takođe je potrebno da sve javne institucije, na svim nivoima vlasti, donesu zelene akcione planove u kojima se navode različite aktivnosti i mjere podrške za zelenu ili održivu javnu nabavku“

O b r a z l o ž e n j e

„Zelena javna nabavka“, odnosno „Javna nabavka za bolji okoliš“ jeste važan alat za ostvarivanje ciljeva politike zaštite okoliša.

Zelena javna nabavka definisana je u Komunikaciji Europske komisije Javna nabavka za bolji okoliš kao „postupak pri kojem javna tijela nastoje naručivati robu, usluge i radove koji tokom svog životnog vijeka imaju manji učinak na okoliš od robe, usluga i radova s istom osnovnom funkcijom koje bi inače naručili“.

EU Direktive o javnim nabavkama iz 2014. godine omogućavaju javnim ustanovama da uzmu u obzir pitanja zaštite okoliša tokom izrade poziva za javne nabavke, u okviru samog postupka javne nabavke i tokom izvršenja ugovora. Pravilima o isključenju i odabiru najboljeg ponuđača ne posmatra se samo nabavna cijena, nego se uzimaju u obzir troškovi tokom životnog vijeka proizvoda, odnosno nastoji se osigurati minimalni nivo usklađenosti ugovarača i podugovarača s propisima o zaštiti okoliša. Korištenje

tehnika i upotreba kriterija za dodijelu ugovora povezanih sa očuvanjem okoliša može pomoći naručiocima roba i usluga da utvrde ponude koje su povoljnije za okoliš.

Za svaku grupu proizvoda određuju se mjerila ili kriteriji koji sadrže ključne uticaje na okoliš:

- potrošnju resursa i energije,
- djelovanje na biodiverzitet i eutrofikaciju,
- toksičnost,
- emisija zagađujućih materija,
- stakleničkih gasova i CO₂
- nastajanje otpada itd.

Primjeri roba i usluga za koja se primjenjuju kriterij zelenih javnih nabavki: energetska efikasni računari; izbjegavanje plastične ambalaže; reciklirani papir; kancelarijski namještaj od drveta iz održivih izvora; električna energija iz obnovljivih izvora; zgrade sa smanjenom upotrebom energije; usluge čišćenja pri kojima se koriste ekološki proizvodi za čišćenje; električna vozila, hibridna vozila ili vozila s niskim emisijama. Obzirom da javni sektor u BiH učestvuje u društvenom bruto proizvodu (DBP) u velikom procentu, omogućavanje javnim institucijama da kupuju robe i usluge s manjim uticajem na okoliš će u velikoj mjeri doprinijeti lokalnim, regionalnim, državnim i međunarodnim ciljevima održivog razvoja.

Poslanici

Edita Đapo 

Saša Magazinović 

Mirjana Marinković - Lepić 